

Na osnovu člana 16. stav (2) Zakona o Vladi Zeničko-dobojskog kantona- Prečišćeni tekst („Službene novine Zeničko-dobojskog kantona“, broj: 7/10 i 3/23), a u vezi sa članovima 34. stav (2) i 52. stav (1) Zakona o izvršavanju Budžeta Zeničko-dobojskog kantona za 2025. godinu, („Službene novine Zeničko-dobojskog kantona“, broj: 25/24), na prijedlog Ministarstva za privredu, Vlada Zeničko-dobojskog kantona, na 67. sjednici, održanoj 14.02.2025. godine, donosi

O D L U K U
O USVAJANJU PROGRAMA UTROŠKA BUDŽETSKIH
SREDSTAVA MINISTARSTVA ZA PRIVREDU U 2025. GODINI
(Kapitalni transferi drugim nivoima vlasti-subvencije općinama
za poslovne zone i druge projekte-ESCROW sredstva) -Izvor 30

Član 1.
(Predmet)

Usvaja se Program utroška budžetskih sredstava Ministarstva za privredu u 2025. godini– (Kapitalni transferi drugim nivoima vlasti-subvencije općinama za poslovne zone i druge projekte-ESCROW sredstva)-Izvor 30, u iznosu 1.000.000,00 KM (slovima: jedanmilijon konvertibilnih maraka), koji čini sastavni dio ove odluke.

Član 2.
(Način realizacije)

Sredstva planirana ovim Programom utroška sredstava, realizovat će se isključivo u skladu sa realizacijom ostvarenih javnih prihoda u Budžetu Kantona u prethodnom mjesecu, planovima novčanih tokova Budžeta Zeničko-dobojskog kantona te mjesečnim i kvartalnim operativnim planovima izvršenja Budžeta odobrenim od strane Ministarstva finansija, osim u izuzetnim slučajevima odobrenim posebnim aktima Vlade Kantona.

Član 3.
(Realizacija Odluke)

Za realizaciju ove odluke zadužuju se Ministarstvo za privredu i Ministarstvo finansija, svako u okviru svojih nadležnosti.

Član 4.
(Stupanje na snagu)

Odluka stupa na snagu danom donošenja i objaviti će se u „Službenim novinama Zeničko-dobojskog kantona“.

Broj: 02-11-2756/25
Datum, 14.02.2025. godine
Zenica

PREMIJER

Nezir Pivić

DOSTAVLJENO:
1x Ministarstvo za privredu,
1x Ministarstvo finansija,
1x „Službene novine Zeničko-dobojskog kantona“,
1x a/a.



PROGRAM
UTROŠKA BUDŽETSKIH SREDSTAVA
MINISTARSTVA ZA PRIVREDU U 2025. GODINI
**(Kapitalni transferi drugim nivoima vlasti-subvencije općinama za poslovne zone i druge projekte-
ESCROW sredstva)-Izvor 30**

Zenica, februar 2025. godine

1. NAZIV PROGRAMA

Program utroška budžetskih sredstava Ministarstva za privredu u 2025. godini planiranih na razdjelu Ministarstva za privredu u Budžetu Zeničko-dobojskog kantona za 2025. godinu ("Službene novine Zeničko-dobojskog kantona", broj: 25/24) na ekonomskom kodu 615100 (IAX007)- Kapitalni transferi drugim nivoima vlasti-subvencije općinama za poslovne zone i druge projekte-ESCROW sredstva-Izvor 30.

2. ZAKONSKI OSNOV ZA DONOŠENJE PROGRAMA UTROŠKA BUDŽETSKIH SREDSTAVA MINISTARSTVA ZA PRIVREDU U 2025. GODINI

Izrada Programa utroška budžetskih sredstava Ministarstva za privredu u 2025. godini (Kapitalni transferi drugim nivoima vlasti-subvencije općinama za poslovne zone i druge projekte- ESCROW) propisana je članovima 34. stav (2) i 52. stav (1) Zakona o izvršavanju Budžeta Zeničko-dobojskog kantona za 2025. godinu ("Službene novine Zeničko-dobojskog kantona", broj: 25/24).

3. SVRHA PROGRAMA I VISINA SREDSTAVA

Svrha Programa je korištenje finansijskih sredstava odobrenih Budžetom Zeničko-dobojskog kantona za 2025. godinu („Službene novine Zeničko-dobojskog kantona“, broj: 25/24) u iznosu **1.000.000,00 KM** (slovima: jedanmilijon konvertibilnih maraka).

Ovaj program usaglašen je sa Strategijom razvoja Zeničko-dobojskog kantona za period 2021.-2027. godina, te sa nadležnostima Ministarstva za privredu.

4. IZVORI FINANSIRANJA

Izvori finansijskih sredstava su sredstva odobrena Budžetom Zeničko-dobojskog kantona za 2025. godinu („Službene novine Zeničko-dobojskog kantona“, broj: 25/24) na ekonomskom kodu 615100 (IAX007)- Kapitalni transferi drugim nivoima vlasti-subvencije općinama za poslovne zone i druge projekte-ESCROW sredstva.

U proteklih nekoliko godina kod Razvojne banke Federacije Bosne i Hercegovine izvršeno je deponiranje sredstava sa ESCROW podračuna u sistemu Jedinstvenog računa trezora (JRT) Budžeta Zeničko-dobojskog kantona, prema programima utroška sredstava Ministarstva za privredu (2018., 2019. i 2020. godina), s tim da se 20% ostvarenih sredstava koristilo za sanaciju i osiguranje osnovnog kapitala u Fondu penzijskog i invalidskog osiguranja.

Sredstva deponirana kao namjenski depozit Vlade Zeničko-dobojskog kantona, korištena su u skladu sa pojedinačnim odlukama Vlade Zeničko-dobojskog kantona koje su Razvojnoj banci Federacije Bosne i Hercegovine uredno dostavljane.

5. NAČIN REALIZACIJE

Na osnovu članova 5. i 6. Zakona o Razvojnoj banci Federacije Bosne i Hercegovine („Službene novine Federacije BiH“, broj: 37/08), člana 33. stav (2) Zakona o privatizaciji poduzeća („Službene novine Federacije BiH“, broj: 27/97, 8/99, 32/00, 45/00, 54/00, 27/01, 61/01, 27/02, 33/02, 28/04, 44/04, 42/06 i 4/09) te tačke II. Zaključka Vlade Zeničko-dobojskog kantona, broj: 02-14-15200/17 od 02.11.2017. godine, Razvojna banka Federacije Bosne i Hercegovine i Vlada Zeničko-dobojskog kantona zaključili su Ugovor o namjenskom depozitu, broj: 07-14-19795-9-1/14 od 21.12.2017. godine.

Članom 3. stav (1) tačka 1. Ugovora utvrđeno je da: „Sredstva depozita iz člana 2. Ugovora će se koristiti u skladu sa pojedinačnim odlukama Vlade Kantona, s tim da se 20% ostvarenih sredstava koristi za

sanaciju i osiguranje osnovnog kapitala u Fondu penzijskog i invalidskog osiguranja, a ostali iznos sredstava depozita će se koristiti za:

1. Poticaje privredi na području Zeničko-dobojskog kantona u skladu sa programima utroška Ministarstva za privredu Zeničko-dobojskog kantona, a na koje saglasnost da Vlada Zeničko-dobojskog kantona...”

Slijedom navedenog, ESCROW sredstva (sredstva povrata rata kredita odobrenih iz sredstava ostvarenih prodajom preduzeća u procesu privatizacije) realiziraju se preko Razvojne banke Federacije Bosne i Hercegovine (deponirana kao namjenski depozit Vlade Kantona) u skladu sa pojedinačnim odlukama Vlade Zeničko-dobojskog kantona.

Dinamika deponiranja sredstava sa ESCROW podračuna u sastavu Jedininstvenog računa trezora (JRT) Budžeta Zeničko-dobojskog kantona kod Razvojne banke Federacije Bosne i Hercegovine i iznos od 20% ostvarenih sredstava za sanaciju i osiguranje osnovnog kapitala u Fondu penzijskog i invalidskog osiguranja, ovisit će od dinamike realizacije samih programa i njihovog odobravanja od strane Vlade Zeničko-dobojskog kantona.

Po pripremi odluke za odobravanje i dodjelu sredstava po planiranom programu utvrdit će se i ukupan iznos sredstava koji će se prenijeti na poseban fond Razvojne Banke Federacije Bosne i Hercegovine kao i iznos 20% sredstava za sanaciju i osiguranje osnovnog kapitala u Fondu penzijskog i invalidskog osiguranja.

Imajući u vidu raspoloživa sredstva iz tačke 3. ovog Programa, Ministarstvo za privredu planiralo je utrošak finansijskih sredstava na slijedeći način:

5.1. Sufinansiranje izgradnje industrijskih/poslovnih zona

Iznos: 1.000.000,00 KM

Svrha: U proteklim godinama, Ministarstvo je, shodno javnim pozivima, sufinansiralo jedinicama lokalne samouprave izradu projektne dokumentacije za poslovne zone, izgradnju komunalne infrastrukture unutar poslovnih zona, kao i otkup zemljišta u svrhu osnivanja/proširenja poslovnih zona na području Zeničko-dobojskog kantona. Shodno zaprimljenim odgovorima od jedinica lokalne samouprave u kojima su iznijele svoje planove za ulaganja u poslovne zone, neophodna su znatna finansijska sredstva za izgradnju komunalne infrastrukture u: a) novosnovanim poslovnim zonama (osnovane Odlukom Općinskog/Gradskog vijeća od 01.01.2024. godine pa nadalje) i b) ostalim poslovnim zonama, te je stoga Ministarstvo planiralo i ova budžetska sredstva utrošiti za navedeno na području Zeničko-dobojskog kantona.

Organizacija – primalac: Općine/Gradovi (JLS) Zeničko-dobojskog kantona

Kriterij: Ministarstvo će raspisati javni poziv za dodjelu sredstava u skladu sa Uputstvom o postupcima i kriterijima za odobravanje i dodjelu sredstava poticaja namijenjenih subvencioniranju troškova organizacije i izgradnje poslovnih zona na području Zeničko-dobojskog kantona-(Kapitalni transferi drugim nivoima vlasti-subvencije općinama za poslovne zone i druge projekte-ESCROW) na koje Vlada Zeničko-dobojskog kantona daje saglasnost, članom 34. stav (2) Zakona o izvršavanju Budžeta Zeničko-dobojskog kantona za 2025. godinu, koristeći Smjernice o minimalnim standardima dodjele budžetskih sredstava putem transfera i subvencija („Službene novine Federacije BiH”, broj: 37/24), u mjeri u kojoj je primjenjivo. Javni poziv, će u skladu sa Uputstvom, tačkom 26.c. Smjernica o minimalnim standardima dodjele budžetskih sredstava putem transfera i subvencija, sadržavati pisane kriterije na osnovu kojih će se izvršiti dodjela sredstava, sve u cilju efikasne, ekonomične i efektivne upotrebe budžetskih sredstava.

Realizacija ciljeva: Realizovati projekte sufinansiranja izgradnje komunalne infrastrukture unutar novosnovanih i ostalih poslovnih zona na području Zeničko-dobojskog kantona

6. REKAPITULACIJA

R.br.	Naziv	Planirana sredstva /KM/
1.	Sufinansiranje industrijskih/poslovnih zona	1.000.000,00
UKUPNO		1.000.000,00

7. NAČIN I ROKOVI IZVJEŠTAVANJA

O utrošku sredstava po ovom Programu, Ministarstvo za privredu dužno je polugodišnje izvještavati Vladu Zeničko-dobojskog kantona.

Broj: 02-11-2756/25

Datum, 14.02.2025. godine

Zenica

PREMIJER

Nezir Pivić

DOSTAVLJENO:

1 x Ministarstvo za privredu,

1 x Ministarstvo finansija,

1 x „Službene novine Zeničko-dobojskog kantona“,

1 x a/a.